

醫

學

綱

目

醫學綱目卷之六

陰陽臟腑部

治惡寒

陽虛惡寒
治

州陽虛惡寒用參芪之類甚者加附子少許以行參芪之氣 末康呂親家形瘦色黑平生喜酒多飲不困年近半百且有別館忽一日大惡寒戰且自言渴却不能飲予診其脉大而弱惟右關稍實畧類弦重取則澁遂作酒熱內鬱不得泄由表熱而下虛也黃芪一物與乾葛同煎與之盡黃芪二兩乾葛一兩脉得小次日安矣

脾胃之虛怠惰嗜臥四肢不收時值秋燥令行濕熱少退體重節痛口舌乾食無味大便不調小便頻數不嗜食食不消兼見肺病洒淅惡寒氣慘慘不樂面色惡而不和乃陽氣不伸故也當升陽益胃名曰升陽益胃湯

羌活兩半

柴胡三錢

獨活兩半

白朮三錢

人參

一兩去蘆

甘草

炙一兩

防風

半兩以其秋旺故以辛溫濕之

半夏

一兩湯洗脈清者可

黃芪

二兩

茯苓

二錢小便利不

渴者勿用

澤瀉

二錢不淋者勿用

黃連

二錢

橘皮

不去穢四錢

白芍藥

五錢何故秋旺用人參白朮芍藥之

類反補旺爲脾胃虛則肺受病故因時而補母虛也

右咬咀每服三錢生薑五片棗二枚去核水三盞同煎

至一盞去渣溫服早飯後午飯前服之禁忌如前其藥

漸加至五錢止服藥如小便罷而病加增劇者是不宜

利小便當少去茯苓澤瀉若喜食初二日不可飽食

恐胃再傷以藥力尚少胃氣不得轉運升發也須薄滋

味或美食助其藥力益升浮之氣而滋其胃氣慎不可

淡食以損藥力而助邪氣之降沉可以小役形體使胃

與藥轉運升發慎勿大勞役使復傷胃氣若脾胃得安

靜尤佳若胃氣稍強少食果以助穀藥之九五穀爲養
五菓爲助者也禁忌如前若服藥忌忌語話一二時辰
及酒溫麵大料物及六蒸寒涼淡滲之物

黃芪補胃湯治表虛惡賊風

黃芪

錢三

甘草

錢一

麻黃

錢一

草薺

半錢

橘皮

半錢

青皮

七分

當歸

錢一

香白芷

半錢

赤麻

三分

藁本

三分

柴胡

分六

黃栢

分八

右劉如磨豆大水二盞煎至一盞去渣稍熱食前服

丹晉雲胡君鑑年三十一歲形肥而大色稍蒼厚家富而足更嗜口味兩年前得消渴病醫與寒涼藥而得安有一人發以病後須用滋補令其專用黃雌雞因此食至千餘隻漸有膈滿嘔吐之病醫者意爲胃寒遂以附子沉香之藥百餘貼嘔病除月餘天氣大熱忽惡風足亦怕地氣

遂堆糠尺許厚上鋪以簾糊以重紙方可坐臥而兩手不能執筆口鼻皆無氣以呼吸欲言無力行十餘步便困倦脉皆浮大而虛僅得四至予作內有濕痰因多服燥熱藥遂成氣耗血散當此夏令自合便死因其色之蒼厚元氣尚全可以安穀遂以人參黃芪白朮熬膏煎淡五味子湯以竹瀝調飲之三日諸病皆愈令其頓絕肉味一月後康健如舊又以雞湯下飯一月後胸腹膨滿甚自煎二陳湯加附子白苳蔻飲之其病頓除遣人問調理藥予教以絕去諸藥與肉飲自然平安

右陽虛惡寒五法皆以參芪爲君首一法佐以附子中三法佐以升陽之劑末一法佐以消痰之劑也

暹夫脾胃之症始則熱中終傳寒中經云陰盛生內寒厥氣上逆寒積於胃中是腎水反來侮土此謂所勝者妄行

也作中滿腹作涎作清涕或溺足下痛不能任身履地骨
乏無力喜睡兩丸多冷時作陰陰而癢或妄見鬼狀夜夢
亡人腰背脾眼腰脊俱痛而不渴不瀉此濕氣去寒獨留
寒獨留則血凝泣血凝泣則脉不通故其脉盛大以瀆名
曰寒中

白朮附子湯

白朮

附子炮

陳皮

蒼朮制

厚朴制

半夏湯泡

茯苓去皮

澤瀉各一兩

猪苓去皮

肉桂四錢

右剉如麻苴大每服五錢水二盞生薑三片煎至一盞

食前溫服量虛實加減

夫病熱中症者衝脉之火附二陰之裏傳之督脉督脉者
第二十一傾下長強穴是也與足太陽膀胱寒氣爲附經

海病篇

督脉其盛也如巨川之水疾如奔馬其勢不可遏太陽寒氣細細如線督脉逆太陽寒氣上行衝頂入額下鼻尖入手太陽傳於胷中手太陽者丙熱氣也足太陽膀胱者壬寒氣也壬能尅丙寒熱逆於胷中故脉盛大其手太陽小腸熱氣不能交入膀胱經故十一經之盛氣積於胷中故其脉盛大其膀胱逆行盛之極子能令母實手陽明大腸金卽其母也故燥旺其燥氣挾子之勢故脉濇而大便不通以此言之脉盛大以濇者手陽明大腸脉也

若見此病中一症皆爲寒禁用諸甘酸藥

素帝曰人身非衣寒也中非有寒氣也寒從中生者何岐伯曰是人多痺氣也陽氣少陰氣多故身寒如從水中出帝曰人有身寒湯火不能熱厚衣不能溫然不凍慄是爲何病岐伯曰是人者素腎氣勝以水爲事太陽氣衰腎

脂枯不長一水不能勝兩火腎者水也而生於骨腎不生則髓不能滿故寒甚至骨也所以不能束慄者肝一陽也心二陽也腎孤藏也一水不能勝二火故不能束慄名曰骨痺是人當變節也逆論

寒分氣

東垣云晝則惡寒是陰氣上溢於陽分也夜則惡寒是陰

血自旺於陰分也

潮氣分寒

桂枝加附子湯方見傷寒自汗

桂枝加芍藥人參

新加湯

方見傷寒體痛

血分寒

巴戟丸

神珠丸

方見治虛實考

巴戟丸

良薑六兩

紫金藤十六兩

巴戟二兩

青塩二兩

肉桂

吳茱萸名四兩

右爲末酒糊丸每服二十九丸暖鹽酒送下鹽湯亦得

三焦寒用藥大例

上焦寒陳皮厚朴藿香 中焦寒大小便不通白木乾薑

丁香 下焦寒肉桂附子沉香

桂附丸

二氣丹

還少丹

上焦 鐵刷湯

中焦

下焦

八味丸

胡椒理中丸

大建中湯

天真丹

胡椒理中丸

欬冬花去梗

胡椒

甘草炙

薑撥

良薑各四兩

白木五兩

乾薑

陳皮白

細辛去苗名

右爲末煉蜜丸如梧子大每服五十九丸溫湯酒米飲任

下

鐵刷湯

良薑

炒六兩

茴香

各二兩

甘草

炙一兩

蒼朮

米泔浸一宿八兩

右爲細末每服二錢薑三片鹽一捻水一盞煎至七分
溫服或熱酒調下

二氣丹

肉桂

去粗皮

硫黃

細研各一錢

乾薑

炮

硃砂

研爲水各二錢

附子

一箇去皮臍炮製爲末半兩

右爲細末研勻麪糊爲丸梧子大每服三十九鹽湯下

附子理中丸

人參

去蘆

附子

炮去皮臍

乾薑

炮

甘草

炙

白朮

各二兩

右爲末煉蜜和丸每一兩作十九每服一丸以水一盞

化破煎至七分服

大建中湯治內虛裏急少氣手足厥逆少腹攣急或腹滿
弦急不能起臥微汗出陰縮或腹中寒痛不堪勞苦唇口
乾精自出或手足乍寒乍熱而煩苦酸痛不能久立補中
益氣

桂心

芍藥

黃芪

甘草

生薑

當歸

人參

附子

半夏

棗

右㕮咀水五盞煎至三盞去渣分三服

垣天真丹治下焦陽虛

沉香

巴戟

茴香

破故紙

萹藪

胡蘆巴

杜仲

琥珀

官桂

牽牛

右爲末用浸藥酒糊爲丸梧子大每服五十九至八十

九空心溫酒下

潮下焦寒四逆例乾薑味苦能止而不行附子味辛能行而不守泄小便不通二藥皆陽氣化能作小便若薑附木三味內加茯苓以分利之為佳附生用而不炮則無火力熱則行而不止兼以水多煎少則熱直入下焦

代灸膏治老人衰弱元氣虛冷臟腑虛滑腰脚冷痛沉重飲食減少手足逆冷不能忍者用此代灸其効不能盡述

大附子一箇

地

吳茱萸

桂皮

木香

蛇牀子各半

州

馬蔞草

一兩

右為細末每用藥半匙白麴半匙生薑汁半盞用煎成膏攤於紙上臨臥貼臍以油紙覆其上綿衣繫之自夜至明乃去每夜如此貼之其腰腹如炙百壯除寒積腰疼貼腰眼

背惡寒是痰飲仲景云心下有留飲其人背惡寒冷如米

治法茯苓丸之類是也方見痰飲身前寒屬胃經云胃足陽

明之脉氣虛則身以前皆寒慄治法宜鍼法補三里穴是

也手足寒者厥也治見厥掌中寒者腹中寒魚上白肉

有青血脉者胃中有寒也腹胃寒理中之類也○全見診法

五臟寒方

肝寒雙和湯方見治虛實法

脾寒益黃散方見小兒

腎寒八味丸方見治虛實法

海通治大寒大巴寒丸四逆湯

沉香桂附丸

沉香

附子炮

肉桂

乾薑炮

良薑

吳茱萸

茴香炒

川烏各一兩

心寒定志丸葛蒲丸方見小兒

肺寒小青龍湯方見傷寒

右為末醋煮麩糊為丸桐子大每服五七十九米飲下
食前一服忌生冷

海大已寒丸

葶藶

肉桂各四兩

乾薑炮

良薑各六兩

右為細末水煮麩糊為丸如梧子大每服二十粒米飲
湯下食前服

垣諸脉按之無力所生病症 六脉中之下得弦細而瀆
按之無力腹中時痛心胃相控掣隱隱而痛或大便溏泄
臭不聞香臭清濁不止目中淚出喘喝痰嗽唾出白沫腰
沉沉苦痛項背骨節時作痛目中流火口臭惡寒時時頭
痛目眩苦振寒不止或嗽或吐或嘔或噎則發燥蒸蒸而
熱如坐甑中必得去衣居寒處或飲寒水則便如故其振
寒復至或氣短促胃中滿悶而痛如有膈咽不通欲絕之

狀甚則口開目眩聲聞於外而淚涕痰涎大作其發燥方過而振寒復至或面白而不澤者脫血也悲愁不樂情慘意悲健忘或善噫此風熱大損寒水燥金復也如六脉細弦而瀉按之空虛此大寒症也亦傷精氣以辛甘溫熱潤之劑大瀉西北二方則愈

薑附湯治中寒口噤四肢強直失音不語忽然暈倒口吐涎沫狀如暗風手足厥冷或復煩燥兼治陰証傷寒大便利而發熱者

乾薑

熟附子分等

右咬咀每服四錢水一盞半煎至七分去渣瀉服或慮此藥性太燥卽以附子理中湯相繼服餌薑附本治傷寒經下後又復發汗內外俱虛身無大熱晝則煩燥夜則安靜不渴六脉沉伏並宜服此不知脉者更宜審之

兼治中脫虛寒久積痰水心腹冷痛霍亂轉筋四肢厥
逆一方附子湯以生用者名曰白通湯一方白通湯內
加白朮倍之甘草減半名生附子白朮湯治中風濕昏
悶恍惚腹脹滿身重手足痲痺繫繫自汗失音不語便
利不禁一方用薑附湯加麻黃白朮人參甘草等分名
附子麻黃湯治中寒濕昏暈緩弱腰脊強急口眼喎斜
語聲渾濁胸腹脹氣上喘急不能轉動更宜審而用
之

六月病
寒者宜
從中治

海六月大熱之氣反得大寒之病氣難布息身涼脉遲何
以治之答曰病有標本病熱爲本大寒爲標用涼則順時
而失本用熱則順本而失時故不從乎標本而從乎中治
中治者何用溫是已然既曰溫則不能治大寒之病治大
寒者非薑附不可若用薑附又似非溫治之例然衰其太

半乃止。脉得四至，餘病便無。今治之足矣。雖用薑附是亦中治也。非溫而何。經曰：中熱遠熱，雖用之不當然。勝至可犯，亦其理也。

右虛寒正治。蓋謂脉虛而惡寒者設也。脉虛惡寒，真寒也。故正治。

丹色目婦人，年近六十。六月內常覺惡寒戰慄，喜炎火，御綿多汗如雨。其形肥肌厚，已服附子十餘貼，渾身痒甚。兩手脉沉澁，重取稍大。知其熱甚而血虛也。以四物去川芎，倍地黃，加白朮、黃芪、炒黃柏、生甘草、人參，每服一兩，重方與一貼。腹大，世目無視，口無言。予知其病勢深，而藥無反佐之過也。仍用前藥，熱炒與之。蓋借火力為向導。一帖利止，四帖精神回，十帖病痊安。蔣氏年三十餘，形瘦面黑，六月喜熱惡寒，兩手脉沉而澁，重取似數。以三黃丸下之。

以薑湯每服三十粒二十帖微汗而安

三黃恐是三種
老苓連柏也

海婦人先病惡寒手足冷全不發熱脉八至兩脇微痛治者便作少陽治之陽在內伏于骨髓陰在外致使發寒治當不從內外從乎中治也宜以小柴胡調之倍加薑棗

子和一婦人身冷脉微食沸熱粥飯六月重衣以衣帽蒙其首猶覺寒泄注不止常服薑附硫黃燥熱之劑僅得平和稍用寒涼其病轉加三年不愈戴人診其兩手脉皆如橫繩有力一息六七至脉訣曰六數七極熱生多以涼布熨心以新汲水淋其病處婦乃叫殺人不止令人時時復以冷水淋之至三四十桶大戰汗出昏困一二日而向之所惡者皆除此法本於華陀所用世無知者

素陽明所謂洒洒振寒者陽明者午也五月盛陽之陰也陽盛而陰氣加之故洒洒振寒也

脉解篇

右寒實反治蓋謂脉實而惡寒者設也脉實惡寒假寒

也故反治

濕痰惡寒宜吐

丹

久病惡寒當用解鬱

濕痰積中抑遏陽氣不得外泄

身必惡寒 進士周本道年近四十得惡寒症服附子數百帖而病甚予診其脉弦而緩遂以江茶入生薑汁香油些少吐痰一升許減大半又與通聖散去麻黃大黃芒硝加當歸地黃百帖而安

一女子惡寒用苦參赤小芫各一錢爲末壺水吐後用後

川芎

南星

蒼朮

黃芩

酒麴丸服

上焦不通則陽氣抑遏而皮膚分肉無以溫之故寒慄東垣升陽益胃湯用升發之劑開發上焦以伸陽明出外溫之也丹溪吐出濕痰亦開發上焦使陽氣隨吐升發出外溫之也故寒慄皆愈二者治陽虛表寒之要

運氣惡寒有三

一曰火熱經曰諸禁鼓慄如喪神守皆屬於火又云少陽所至爲惡寒戰又云少陽在泉客勝則腰腹痲而反惡寒治以寒劑是也

二曰風經云厥陰在泉風淫所勝病洒洒振寒治以辛涼是也

三曰寒濕包熱經云陽明司天之政清熱之氣持於氣交民病振寒四之氣寒雨降病振慄治視寒熱輕重多少其制是也

治寒厥必先刺

靈陰陽者寒暑也熱則滋雨而在上根荖少汁人氣在外皮膚緩腠理開血氣減汗大泄皮淖澤寒則地凍水冰人氣在中皮膚緻腠理閉汗不出血氣強肉堅濇當是之時善行水者不能往冰善穿地者不能鑿凍善用針者亦不

能取四厥血脉凝結堅搏不往來者亦未可卽柔故行水者必待天溫水釋凍解而水可行地可穿也人脈猶是也治厥者必先熨調和其經氣與腋肘與腳項與脊以調之火氣已通血脉乃行然後視其病脈渾澤者刺而平之堅緊者破而散之氣下乃止此所謂以解結者也刺節真邪篇○下同用針之類在於調氣氣積於胃以通榮衛各行其道宗氣留於海其下者注於氣街其上者走於息道故厥在於足宗氣不下脉中之血凝而留止弗之火調弗能取之用針者必先察其經絡之實虛切而循之按而彈之視其應動者乃後取之而下之六經調者謂之不病雖病謂之自巳也

大寒在外留而補之入於中者從合瀉之針所不爲灸之

所宜

官能篇○從合治之

黃帝曰人之振寒者何氣使然岐伯曰寒氣客於皮膚陰氣盛陽氣虛故爲振寒寒慄補諸陽

鍼灸臟腑惡寒有三

其一取肺經云振寒鼓頷不得汗出腹脹煩冤取手太陽是也 其二取胃經云胃足陽明之脉是動則病洒洒振寒善伸數欠視盛虛熱寒陷下取之也 其三取膽經云膽足少陽之脉所生病者汗出振寒視盛虛熱寒陷下取之也

外系下

關元 腎俞

桑君又法 氣湧 中極

甲振寒痲痺手不伸咳嗽唾濁氣膈善嘔鼓頷不得汗煩滿身痛因爲痲痺尺澤主之 頭項惡風汗不出悽厥惡寒嘔吐目系急痛引額頭重項痛玉枕主之 樓樓振寒

數欠伸，弱俞主之。

密語：通身惡寒，筋脉拘急，十指不得近風。

絕骨

二寸半，推而上之，令氣中和為解。

治往來寒熱

聖藥之生病也。寒熱少氣，血上下行。

詩天剛，李篇。

仲云：婦人中風七八日，續得寒熱發作，有時經水適斷，此為熱入血室，其血必結，故使如瘕狀發作，有時小柴胡湯

主之。

方見傷寒。

海小柴胡加減法

如寒熱往來，經水不調，去半夏加秦

芫芍藥當歸，知母地骨皮牡丹皮川芎白朮茯苓。如小

柴胡湯與四物湯各半，名調經湯。無孕嘔者加半夏。

無汗者加柴胡，惡寒者加桂，有汗者加地骨皮。嗽

者加紫苑，通經者加京三稜廣茂，勞者加鱉甲。

感寒微
冷麻沉
清者居
寒

羅完顏小將軍病寒熱間作脫後有斑三五點鼻中微血
出兩手脉沉瀆胸膈四肢按之殊無大熱此內傷寒也問
之向者臥殿角傷風又渴飲冰酪水此外感者輕內傷者
重外從內病俱爲陰也故先斑後衄顯內陰症寒熱間作
脾亦有之非徒少陽之寒熱也與調中湯數服而愈

調中湯

白茯苓

乾薑

白朮

甘草各等分

右剉如麻苳大每服五錢水一盞半煎

經云風氣盛於皮膚之間內不得通外不得洩風者善行
而數變腠理開則洒然寒閉則熱而悶其寒也則衰飲食
其熱也則消肌肉故使人怵慄而不能食名曰寒熱風入
爲寒熱○全文見
門候標一作失味因於露風乃生寒熱全文見
五臟風
感爲寒熱全文
見診

河解風湯治中風寒熱頭目昏眩肢體疼痛手足麻痺上膈壅沸

人參

川芎

獨活

甘草

麻黃

去節湯洗焙各一兩

細辛

半兩

右爲末每服三錢水一盞生薑五片薄荷葉少許同煎至八分不計時候

防風湯治中風寒熱

防風

甘草

黃芩

桂枝

當歸

白茯苓

秦艽

乾葛

杏仁

五十枚

右爲散水酒薑棗煎服

疎大腸有宿食寒慄發熱有時如瘧

輕則消導重則下之熱食承氣之類寒食

見脫元之類並寒食門求之

右積聚而寒熱以積聚治之。

雲地骨皮散治血中風氣體虛發渴寒熱。

柴胡

地骨皮

桑白皮

枳殼

前胡

黃芪各七錢半

白茯苓

五加皮

人參

甘草

桂心

芍藥白條各半兩

右咬咀每服三錢生薑三片水煎。

柴胡散治寒熱體瘦肢節疼痛口乾心煩。

柴胡

黃芪

赤茯苓

白朮各二兩

人參

地骨皮

枳殼製

桔梗

桑白皮

赤芍藥

生地黄

各七錢半

麥門冬兩三

甘草兩半

右咬咀每服四錢薑五片水煎。

本事有一師尼患惡風體倦乍寒乍熱面赤心煩或時自

汗是時疫氣大行醫見其寒熱作傷寒治之大小柴胡雜進數日病劇予診視之三部無寒邪脉但厥陰弦長而上魚際宜服抑陰等藥予製此地黃丸

生地黃兩三

柴胡

秦艽

黃芩

各半兩

赤芍藥

兩一

右細末煉蜜丸桐子大每服三十九烏梅湯吞下不拘時候日三服昔宋褚澄療師尼寡婦別製方蓋有爲也此二種寡居獨陰無陽慾心萌而多不遂是以陰陽交爭乍寒乍熱全類溫瘧久則爲勞嘗讀史記倉公傳載濟北王侍人韓女病腰背痠寒熱衆醫皆以爲寒熱也倉公曰病得之欲男子不可得也何以知其然診其脉肝脉弦出寸口是以知之蓋男子以精爲主婦人以血爲主男子精盛則思室婦人血盛則懷胎夫肝攝血故

也厥陰弦出寸口入上魚際則陰血盛可知楮澄之言
信有爲矣

右地黃丸雖曰抑陰實補陰瀉陽之劑也

丹趙孺人夜間發寒後便熱丑寅時退起來口渴食少無
味穀不化腹痛而泄倦怠或遇事則熱燥赤眼氣壅又不
耐風寒亦惡熱

白木錢二

芍藥錢炒一

陳皮錢一

黃芩錢半

炒栢錢三

炙甘草錢二

炒苓錢三

牡丹錢三

木通錢三

人參錢半

歸身錢二

硝砂錢三

煎下保和丸實腸丸各三十丸

呂十四孺人怒氣後寒熱咳嗽食少淋泄

縮砂錢三

甘草錢三

人參錢半

白木錢半

連翹錢一

陳皮錢一

茯苓錢一

薑二片同煎

潤肺散治嗽

方見

大柴胡湯治結熱在裏往來寒熱助

傷

有宿食者以宿食法治之

臟腑寒熱有四

一曰肺經云脉之至也喘而虛名曰肺痺寒熱得之醉而
使內也又曰肺脉微急爲肺寒熱是也

二曰脾經云脾脉小甚爲寒熱是也

三曰太陽經云三陽爲病發寒熱是也

四曰陽維難經云陽維爲病苦寒熱是也

運氣寒熱有二

一曰火熱攻肺經云少陰司天熱氣下臨肺氣上從喘嘔
寒熱又云少陽司天火氣下臨肺氣上從寒熱肺腫又云
少陰司天熱淫所勝寒熱皮膚痛又云歲木不及燥乃大

行復則病寒熱瘡癢治以寒劑是也

二曰寒熱相錯經云陽明司天之政天氣急地氣明民病寒熱發暴三之氣燥熱交合民病寒熱又云陽明司天燥氣下臨肝氣上從民病寒熱如瘡又云少陰司天之政四之氣寒熱互至民病寒熱治視寒熱多少其制是也

子和武陽仇天祥之子病發寒熱諸醫作骨蒸勞治之半年病甚戴人往視之診其手脉尺寸皆朝於關關脉獨大戴人曰肺癰也問其乳媪曾有痛處乳媪曰無戴人令兒去衣舉其兩手觀其兩脇下右脇稍高戴人以手側按之兒移身避之按其左脇則不避戴人曰此肺部有癰已吐膿矣

針灸上

素灸寒熱之法先灸項大椎以年為壯數

王註云如患人之年數次

灸掖骨以年為壯數

尾骨謂

視背膻陷者灸之

背膻陷者為筋

骨之間陷中也王註舉臂肩上陷者灸之肩陷也兩季脇之

背胛骨際有陷處也也間灸之京門也外踝上絕骨之端灸之陽輔也足小指次指間

灸之俠溪也臑下陷脉灸之承筋也外踝後灸之崑崙也缺盆骨

上切之堅動如筋者灸之當隨其所膺中陷骨間灸之天

穴也未詳是舌掌束骨下灸之陽池穴也臍下關元三寸灸之毛

際動脉灸之氣衝也膝下三寸分間灸之三里也足陽明跗上

動脉灸之衝陽也膝上一灸之百會也凡當灸二十九處灸之

不已者必視其經之過於陽者數刺其俞而藥之按項大

上一灸之二十九處也已上出骨空論

皮寒熱者不可附席毛髮焦鼻槁脂不得汗取三陽之

絡以補手太陰肌寒熱者肌痛毛髮焦而唇槁脂不得汗

取三陽于下以去其血者補足太陰以出其汗骨寒熱者

病無所安汗注不休齒未槁取其少陰于陰股之絡齒已

汗止下
止難治

肺寒熱
咳喘

肝寒熱
小便不利
口苦

風寒熱
取分理

多血絡
者取血

稿死不治骨厥亦然寒熱病篇○無汗而寒熱者屬寒可治寒熱汗出不休皆寒熱者已入骨

肺故舉

邪在肺則病皮膚寒熱上氣喘汗出欬動肩背取之膺中

外脰背三節五臟之傍以手疾按之快然乃刺之取之缺

盆中以越之五邪篇

小腹滿大身時寒熱小便不利取足厥陰全文見小腸滿經云

絡病者善太息口苦下利寒熱取陽陵泉全文見

筋病風且寒且熱汗出一日數過先刺諸分理絡脉汗出

且寒且熱三日一刺百日而已

經云凡刺寒熱皆多血絡必間日而一取之血盡乃止乃

調其虛實

胃寒熱五處及天柱風池腰膈長強大杼中膺內俞上窮

斷交上腕關元天牖天窗合谷陰谿關衝中渚陽池消燥

少澤前谷腕骨陽谷少海然谷至陰崑崙主之 身寒熱

陰都主之 寒熱刺腦戶 風寒熱腋門主之 心如懸

陰厥脚腫後廉急不可前却痿痺便膿血足跗上痛舌卷

不能言善笑心下痞四肢倦溺青赤白黃黑青取井赤取

榮黃取輪白取經黑取合 血痔泄後重腹痛如癢狀臥

仆必有所扶持及失氣涎出鼻孔中痛腹中常鳴皆寒熱

無所安汗出不休復溜主之 骨寒熱洩難腎膈主之

肺寒熱呼吸不得臥上氣嘔沫喘氣相迫逐胸滿脇膈急

息難振慄脉鼓氣隔胸中有熱支滿不嗜食汗不出腰脊

痛肺俞主之 咳而嘔清寒食不下寒熱皮肉膚痛少氣

不得臥胸滿支兩脇膈上兢兢脇痛腹脹胃脘暴痛上氣

肩背痠痛汗不出喉痺腹中痛積聚然然嗜臥怠惰不

欲動身常濕濕一作心痛無可搖者鬲俞主之 效而脇

喘咳寒
熱取背
輸太陰

滿急不得息不得反側腋脇下與臍相引筋急而痛反折

目上視眩耳中條然肩項痛驚狂衄少腹滿目眈眈生白

縣欬引胸痛筋寒熱唾血短氣鼻酸肝俞主之 寒熱食

多身羸瘦兩脇引痛心下賁痛心如懸下引臍少腹急痛

熱面急一作黑目眈眈久喘咳少氣溺濁赤腎俞主之 寒

熱咳嘔沫掌中熱虛則肩背寒慄少氣不足以息寒厥交

兩手而脅口沫出實則肩背熱痛汗出暴四肢腫身濕搖

肘寒熱饑則煩飽則善面色變一作瘰口噤不開惡風泣出

列缺主之 寒熱胸背急喉痺欬上氣喘掌中熱數欠伸

汗出善忘四肢厥逆善笑溺白列缺主之 胸中膨膨然

甚則交兩手而脅暴痺喘逆刺經渠及天府此謂之大肺

肺系急胸中痛惡寒胸滿悒悒然善嘔膽汁膈中熱喘

逆氣氣相追逐多濁唾不得息肩背風汗出面腹腫高中

食體不下喉痺肩息肺脹皮膚骨痛寒熱煩滿中府主之

寒熱目眩瞋善欬喘逆通谷主之 煩心欬寒熱善噦

勞宮主之 寒熱唇口乾身熱喘息目急痛善驚三間主

之一本云寒熱心背引痛胸中不得息咳嗽血逆煩中善噦食不下欬逆汗不出如瘧狀目淚出悲傷心胸主之

寒熱善嘔商丘主之 嘔厥寒時有微熱脇下支滿喉痛

噎乾膝外廉痛淫灤脛痠腋下腫馬刀瘻肩腫吻傷痛太

衝主之

頭滿寒熱取少陽厥陰

寒熱頭痛喘喝目不能視神庭主之其目泣出頭不痛者

聽會取之 寒熱頭痛如破目痛如脫喘逆煩滿嘔吐流

汗頭維主之 寒熱胸滿頭痛四肢不舉腋下腫上氣胸

中有聲喉中鳴天池主之 寒熱頭痛水溝主之 寒熱

善怖頭重足寒不欲食腳攣京骨主之 下部寒熱病汗

不出體重逆氣頭眩痛飛陽主之 肩背痛寒熱瘰癧逸

嘔寒熱取太陽厥陰

頸有大氣暴聾氣蒙瞽耳目不開頭領痛淚出目鼻衄不
得息不知香臭風眩喉痺天牖主之 寒熱痠痛四肢不
舉腋腫馬刀挾癭髀膝脛骨淫癩痲痺不仁陽輔主之
寒熱頸癭癭欬呼吸炙手三里左取右右取左 寒熱
頸癭癭大迎主之 寒熱癭癭胸中滿有大氣缺盆中滿
痛者死外消不死肩引項不舉缺盆中痛汗不出喉痺欬
嗽血缺盆主之 寒熱頸癭癭肩痛不可舉臂臑膈主之
寒熱頸癭癭耳鳴無聞痛引缺盆肩中熱痛手臂不舉
有真主之 寒熱癭癭目不明欬上氣唾血肩中膈主之
寒熱頸癭癭下頰中脉主之 寒熱頸癭癭後谿主之 胸
中滿耳前痛齒熱痛目赤痛頸腫寒熱渴飲輒汗出不飲
則皮乾熱煩曲池主之

振寒寒
醫取太

頰頰腫
太陽
明

熱口中熱煩心心痛臂內廉痛壅欬痰癢口乾頭痛不可

顧少澤主之 振寒寒熱肩膈肘臂頭痛不可顧煩滿身

熱惡寒目赤痛皆爛生翳膜暴痛聾耳壅臂重痛肘臂

痲疥腦滿引腦泣出而驚頭項強身寒頭不可顧後路主

之 振寒寒熱頸項腫實則肘彎頭眩痛狂易虛則生疣

小者痲疥支正主之 寒熱悽厥鼓頷承漿主之

肩痛引項寒熱缺盆主之 身熱汗不出胷中熱滿天窮

主之 寒熱肩腫引胷中肩臂酸痛膈膈主之 臂厥肩

膈胸滿痛目中白翳眼青轉筋掌中熱乍寒乍熱缺盆中

相引痛數欬喘不得息臂內廉痛上高飲已煩滿太淵主

之

寒熱腹脹央央然不得息京門主之 善留頰齒唇熱汗

不出口中熱痛衝陽主之 胃管痛時寒熱皆主之

肩痛寒熱取太陽少陰

腹脹痛寒熱取太陽陽明

寒反出
寒熱取
大陽

寒熱寒反出承山主之。寒熱寒後出痲癢脚膈酸重戰慄不能久立脚急腫痛跌筋足攣少腹痛引喉噎大便難承筋主之。

脛腫寒
熱取少
陽大陽

寒熱脛腫丘墟主之。寒熱痺脛不收陽交主之。眼厥膝急腰脊痛引腹寒陰股熱陰暴痛寒熱膝痠重合陽主之。寒熱解嬾一作淫灤脛痠四肢重痛少氣難言至陽主之。

脛骨痛
寒熱取
大陽

寒熱腰痛如折束骨主之。寒熱骨痛玉枕主之。

頤小皮
通者善
病寒熱

靈樞經曰人之善病寒熱何以候之少俞答曰小骨弱肉者善病寒熱黃帝曰何以候骨之大小肉之堅脆色之一也少俞答曰頤骨者骨之本也頤大則骨大頤小則骨小皮膚薄而其肉無脈其臂濡濡然其地色焘然不與天同色汚然獨異此其候也然後臂薄者其髓不滿故善病

寒熱也五變

寸微惡寒尺弱發熱

仲云病有洒淅惡寒而復發熱者何也曰陰脉不足陽往從之陽脉不足陰往乘之何謂陽不足假令寸口脉微名曰陽不足陰氣上入陽中則洒淅惡寒也何謂陰不足假令尺脉弱名曰陰不足陽氣下陷入陰中則發熱也全文傷寒

寒熱

素寸口脉沉而喘曰寒熱平人氣象論

脉沉數細散者寒熱

也脉要精微論○沉細為寒數散為熱

脉溢洪大寒熱在中

尺膚烘然

先熱後寒寒熱也

言初捫尺膚則熱久之則寒也

尺膚先寒久之而熱

者亦寒熱也

言初捫尺膚則寒久之則熱也

寒熱奪形脉堅搏是逆也

寒熱安臥脫肉

全文見診

尺肉熱者解你安臥脫肉者寒熱不治全文見診

者死

生死

診寒熱赤脉上下貫臍子見一脉一歲死見一脉

脉其通

半一歲半死見二脉二歲死見二脉半二歲半死見三脉

三歲死

見赤脉不下貫瞳子
可治也○寒熱者

寒熱病者平旦死

全文見
診生死

產後往來寒熱

產後往來寒熱四物內加小柴胡湯

保治日久虛勞微有寒熱脉沉而數宜柴胡四物湯

川芎

當歸

芍藥

熟地黄

各一錢半

柴胡

人參

黃芩

甘草

半夏

各三錢

右爲末水煎服

產後往來寒熱而脉弦者少陽也小柴胡加生地黃湯

柴胡

黃芩

人參

半夏

大棗

生地黃

梔子

枳殼

右如前煎服

增損柴胡湯治產後虛發寒熱飲食少腹脹

柴胡

人參

甘草

半夏

陳皮

川芎

白芍藥各等分

右咬咀每服三錢薑五片棗二枚水同煎食後日二服

大全治產後乍寒乍熱增損四物湯

人參

當歸

芍藥

川芎

乾薑

各一兩

甘草

右咬咀每服四錢水一盞薑三片煎七分去渣熱服無

時

雲熟地黃散治產後羸勞皆由體虛氣力未壯勞復所起

四肢煩疼時發寒熱

熟地黃

人參

白芍藥

白茯苓

白朮

續斷各一兩

黃芪

桂心

五味子

當歸

川芎

各七錢半

右咬咀每服四錢薑三片棗一枚水同煎

黃芪丸治產後羸勞寒熱進退頭目眩痛骨節酸疼氣力乏

黃芪

鱉甲

當歸

炒各一兩

桂心

白芍藥

續斷

川芎

牛膝

茯苓

沉香

栢子仁

枳殼

各六錢半

五味子

熟地黃

各半兩

右爲細末煉蜜爲丸栢子大每服四五丸粥飲下食

後

外熱內寒外寒內熱

仲云病人身大熱反欲得近衣者熱在皮膚寒在骨髓也

活人云先與桂枝湯治寒次與小柴胡湯治熱也

表熱裏

羅病有遠近有緩急 征南帥不隣吉亥年七月丙辰冬
南征至楚丘諸路迎送多獻酒醴因而過飲太多遂腹痛
腸鳴自利日夜約有五十餘行咽噎腫疼耳前後赤腫舌
本強涎唾稠粘欲吐不吐以手洩之方出言語艱難反側
悶亂夜不得臥予診得脉浮數極按之沉細而弦卽謂中
丞粘公曰仲景言下利清穀身體疼痛急當救裏清便自
調急當救表救裏四逆湯救表桂枝湯今胃氣不守下利
清穀腹中疼痛雖宜急治之比之咽噎痛猶可少待公曰
何謂也答曰內經云瘡發咽噎名曰猛疽此疾治遲則咽
塞咽塞則氣不通氣不通則半日死故宜急治於是遂砭
刺腫上紫黑血出頃時腫勢大消遂用桔梗甘草連翹黍
粘酒製黃芩升麻防風等分咬咀每服約五錢水煮清令
熱嗽冷吐去之咽之恐傷脾胃自利轉甚再服涎清腫散

聲出後以神應丸辛熱之劑以散中寒解化宿食而燥脾
濕丸者取其不卽化則不犯上焦至病所而後化乃治上
以緩也不數服利止痛定後胸中閉塞作陣而痛思嘔
云上焦如霧宣五穀味蒸膚充身澤毛若霧露之溉是爲
氣也今相公年高氣弱自利日久致脾胃中生發之氣不
能滋養於心肺故使閉塞而痛經云上氣不足推之揚之
脾不足者以甘補之再與發散甘辛之味溫養脾胃加以
升麻人參上升以順正氣不數服而胸中快利痛止內經
云調氣之方必別陰陽內者內治外者外治微者調之其
次平之盛者奪之隨其攸利萬舉萬全又曰病有遠近治
有緩急無越其製又曰急則治其標緩卽治其本此之謂
也

仲云病人身大寒反不欲近衣者寒在皮膚熱在骨髓也

活人云先與白虎加人參湯治熱
次與桂枝麻黃各半湯以解其外

上熱下寒上寒下熱

羅上熱下寒治驗 中書左丞姚公茂六旬有七宿有暗
風至元戊申末因酒病發頭面赤腫而痛耳前後腫尤甚
胸中煩悶噎咽不利身半已下皆寒足脛尤甚由是以牀
相接作坑身半已上常臥於牀飲食減少精神困倦而體
痛命予治之診得脉浮數按之弦細上熱下寒明矣內經
云熱勝則腫又曰春氣者病在頭難經云畜則腫熱砭射
之也蓋取其易散故遂於腫上約五十餘刺出血紫黑約
一盃數頃時疼痛消散又於氣海中大艾灸百壯乃助下
焦陽虛退其陰寒次於三里二穴各灸三七壯治足胫下
寒引導陽氣下行故也遂製一方名曰既濟解毒湯以熱
者寒之然病有高下治有遠近無越於此以黃芩黃連苦

寒酒製爲引用瀉其上熱桔梗甘草辛甘溫升佐諸苦藥
治其熱柴胡升麻苦平味薄者也陽中之陽散發上熱連
翹苦辛平散結消腫當歸辛溫和血止痛酒煨大黃苦寒
引苦性上行止煩熱投劑之後腫散痛減大便利再服減
大黃慎言語節飲食不旬日良愈

既濟解毒湯治上焦頭目赤腫而痛胸膈煩悶不得臥身
半已下皆寒足胛尤甚大便赤秘

大黃

酒煨大便
利不用

連翹

酒製
妙

黃芩

酒
炒

甘草

炙

黃連

酒炒

桔梗

各二錢

柴胡

歸身

升麻

各一錢

診
兩熱病所謂陽附陰者腰以下至足熱腰以上寒陰氣下
爭還心腹滿者死所謂陰附陽者腰以上至頭熱腰以下
寒陰氣上爭還得汗者生

上寒下熱先刺其項太陽久留之已刺則發項與肩胛
令熱下合乃止此所謂推而上之者也刺飾真邪論下同上熱
下寒視其虛脉而陷之於經絡者取之氣下乃止此所謂
引而下之者也

暄另有上熱下寒經曰陰病在陽當從陽引陰必須先由
絡脉經隧之血若陰中火旺上騰於天致六陽反不衰而
上充者先去五臟之血絡引而下行天氣降下則下寒之
病自去矣慎勿獨瀉其六陽此病陽亢乃陰火之邪滋之
只去陰火只損血絡經隧之邪勿悞也 聖人以上熱下
寒是有春夏無秋冬也當從天外引陽下降入地中此症
乃上天羣陰火熾而反助六陽不能衰退先於六陽中決
血絡出血使氣下降三陰雖力微能逐六陽下行以陰血
自降故也亦可謂老陽變陰之象也故經云上熱下寒視

其虛脉下陷於經絡者取之此所謂引而下之也但言絡

脉皆是也病大者三稜鍼決血去陽中之熱熱者手太陽

小腸中畱火熱之邪致此老陽不肯退化為陰而下故先

決去手太陽之熱血使三陰得時之用而降以行秋令

奉收道下入地中而舉藏也乃瀉老陽在天不肯退化行

陰道者也至元戊辰春中書叅政楊公正卿年踰七十病

面顏鬱赤若飲酒狀痰稠粘時眩暈如在風霧中一日會

都堂此症忽來復加目瞳不明遂歸命予診候兩寸脉洪

大尺脉弦細無力此上熱下寒明矣欲藥之為高年氣弱

不任記先師所論凡上熱譬猶鳥巢高顛射而取之即以

三稜針於顛前髮際疾刺二十餘出紫黑血約二合許即

時頭目清利諸苦皆去自後不復作

料上熱下寒與經皆

責其虛治之能引上熱下降填於熱處得血候熱自裏退而下降也

密語上寒下熱上熱下寒

懸鍾

二十半上寒下熱先補後瀉上熱下寒先瀉後

補或分開上寒補懸鍾五分下熱瀉曲池一寸五分

瘧疾熱

魄汗未盡形弱而氣燦穴俞已閉發為風瘧

見生氣通天論

秋善病風瘧

全文見五臟

夏暑汗不出者秋成風瘧

素黃帝問曰夫痲瘧皆生於風其蓄作有時者何也岐伯曰瘧之始發也先起於毫毛伸欠乃作寒慄鼓頷腰脊俱痛寒去則內外皆熱頭痛如破渴欲飲冷帝曰何氣使然願聞其道岐伯對曰陰陽上下交爭虛實更作陰陽相移也陽并於陰則陰實而陽虛陽明虛則寒慄鼓頷也巨陽虛則腰背項痛三陽俱虛則陰氣勝陰氣勝則骨寒而痛寒生於內故中外皆寒陽盛則外熱陰虛則內熱內外皆熱則喘而渴故飲冷也此皆得之夏傷於暑熱氣盛藏

內經論瘧皆生於風暑

邪入并陰則陰實陽虛

故寒慄

邪出并陽則傷

陰虛

故熱燥

曰作者邪寒淺

張曰作者牙者

深

邪與衛會於風

府則著

新邪循

風府下

脊脊則

伏脊上

缺盆與

於皮膚之內腸胃之外此榮氣之所舍也此令人汗空踈

腠理開因得秋氣汗出遇風及得之以浴水氣舍於皮膚

之內與衛氣并居衛氣者晝日行於陽夜行於陰此氣得

陽而外出得陰而內薄內外相薄是以日作帝曰其間日

而作者何也岐伯曰其氣之舍深內薄於陰陽氣獨發陰

邪內着陰與陽爭不得出是以間日而作也帝曰善其作

日晏與其日早者何氣使然也岐伯曰邪氣客於風府循

脊而下衛氣一日一夜大會於風府其明日日下一節故

其作也晏此先客於脊背也每至於風府則腠理開腠理

開則邪氣入邪氣入則病作以此作日稍益晏也其出於

風府日下一節二十五日作五一下至骶骨二十六日作六一

入於脊內注於伏膂伏一作之之脉其氣上行九日出於缺盆

之中其氣日高故作日益早也其間日發者由邪氣內薄

之中其氣日高故作日益早也其間日發者由邪氣內薄

高會則
巨耳

於五臟橫連募原也其道遠其氣深其行遲不能與衛氣

俱行不得皆出故問曰乃作也天樞經云瘧者內薄於五臟橫連募原其道遠其氣深

深其行遲不能日作故次日乃畜積而作爲諸畜積二字則非一日之義明矣始明邪氣未盛未與衛氣相當故未

作必候畜積與衛氣相當故作焉

風無常
府邪客
處是府

帝曰夫子言衛氣每至於風府腠理乃發發則邪氣入入

則病作今衛氣日下一節其氣之始發也不當風汗其日

作者奈何岐伯曰此邪氣客於頭項循脊而下者也故虛

實不同邪中異所則不得當其風府也故邪中於頭項者

氣至頭項而病中於背者氣至背而病中於腰脊者氣至

腰脊而病中於手足者氣至手足而病衛氣之所在與邪

氣相合則病作故風無常府衛氣之所發必開其腠理邪

氣之所舍則其府也帝曰瘧先寒而後熱者何也岐伯

曰夏傷於大暑其汗大出腠理開發因遇夏氣淒冷之水

寒藏於腠理皮膚之中秋傷於風則病成矣夫寒者陰氣也風者陽氣也先傷於寒而後傷於風故先寒而後熱也病以時作名曰寒瘧帝曰先熱而後寒者何也此先傷於風而後傷於寒故先熱而後寒也亦以時作名曰溫瘧帝曰夫病溫瘧與寒瘧而皆安舍舍於何藏岐伯曰溫瘧得之冬中於風寒氣藏於骨髓之中至春則陽氣大發邪氣不能自出因遇大暑腦髓爍肌肉消腠理發泄或有所用邪氣與汗皆出此病藏於腎其氣先從內出之於外者也如是者陰虛而陽盛陽盛則熱矣衰則氣復反入入則陽虛陽虛則寒矣故先熱而後寒名曰溫瘧其但熱不寒者陰氣先絕陽氣獨發則少氣煩冤手足熱而欲嘔名曰瘧瘧帝曰瘧瘧何如岐伯曰瘧瘧者肺素有熱氣盛於身厥逆上衝中氣實而不外泄因有所用力腠理開

風寒舍於皮膚之內分肉之間而發發則陽氣盛陽氣盛而不衰則病矣其氣不及於陰故但熱而不寒氣內藏於心而外舍於分肉之間令人消燦肌肉故名曰瘧瘧帝曰瘧未發其應何如岐伯曰瘧氣者必更盛更虛當氣之所在也病在陽則熱而脉躁在陰則寒而脉靜極則陰陽俱衰衛氣相識故病得休衛氣集則復病也

衛與邪相并則病作與邪相離則病休其并於陰則寒并於陽則熱離於陰則寒已離於陽則熱已至次日又集而并合則復病也

帝曰時有間二日或至數日發或渴或不渴其故何也岐伯曰其間日者邪氣與衛氣客於六府而有時相失不能相得故休數日乃作也瘧者陰陽更勝也或甚或不甚故或渴或不渴

已上俱
瘧論篇

帝應四

帝曰火熱復惡寒發熱有如瘧狀或一日發或間數日發其故何也岐伯曰勝復之氣會遇之時有多少也陰氣多而陽氣少則其發日遠陽氣多而陰氣少則其發日近此勝復相薄盛衰之節也瘧亦同法

至其要大論

帝曰論言夏傷於暑秋必病瘧今瘧不必應者何也岐伯曰此應四時者也其病異形者反四時也其以秋病者寒甚以冬病者寒不甚以春病者惡風以夏病者多汗帝曰夫風之與瘧相似同類而風獨常在體則有時而休者何也岐伯曰風氣留其處故常在瘧氣隨經絡沉以內薄故衛氣應乃作

瘧論

保夏傷於暑秋必病瘧蓋傷之淺也近而暴傷之重也遠而深瘧瘧者久瘧也是知夏傷於暑濕熱閉藏而不能發洩于外邪氣內行至秋而發為瘧也初不知何經受病隨

其受而取之有中三陽者有中三陰者大抵經中邪氣其
症各殊同傷寒論之也故內經曰五臟皆有瘧其治各別
在太陽經者謂之風瘧治多汗之在陽明經者謂之熱瘧
治多下之在少陽經者謂之風熱瘧治多和之此三陽受
病皆謂暴瘧也發在夏至後處暑前者此乃傷之淺者近
而暴也在陰經者則不分三經皆謂之溫瘧宜以太陰經
論之其發處暑後冬至前者此乃傷之重者遠而深也瘧
瘧者老瘧也故謂之久瘧

桂枝羌活湯治瘧病處暑前後頭痛項強脉浮惡風有汗

桂枝

羌活

防風

甘草

炙各半兩

右爲籠末每服半兩水一盞半煎至一盞溫服迎發日

服吐者加半夏麩

瘧疾頭痛項強脉浮惡風無汗者宜麻黃羌活湯

麻黃

羌活

防風

甘草

炙各半兩

右同前服法如吐加半夏麩等分

治瘧病身熱目痛熱多寒少脉長睡臥不安先以大柴胡湯下之微利爲度如下過外微邪未盡者宜白芷湯以盡其邪

白芷湯

白芷

知母各一兩

石膏兩四

右爲籠末同前服法

治瘧無他症隔日發先寒後熱寒少熱多宜桂枝石膏湯

桂枝

錢五

石膏

知母各一兩半

黃芩

兩

右爲籠末分作三服水半盞同煎服間日者邪氣所舍深也如外邪已罷內邪未已再下之從卯至午發者

宜大柴胡湯下之從午至酉者知邪在內也宜大承

氣湯下之。從酉至子發者，或至寅時發者，知邪在血也。宜桃仁承氣湯下之。前項下藥微利爲度，以小柴胡湯微其微邪之氣。

治瘧寒熱大作，不論先後，此太陽陽明合病也。謂之大爭，寒熱作則必戰動，經曰熱勝則動也。發熱則必汗泄，經云汗出不愈，知爲熱也。陽盛陰虛之証，治當內實外虛，不治恐久而傳入陰經也。宜桂枝芍藥湯主之。

桂枝二錢

黃芪

知母

芍藥

石膏

各半兩

右爲籠末，五七錢，用水煎。如前藥服之，寒熱轉大者，

知太陽陽明少陽三陽合病也。宜桂枝黃芩湯以和之。

甘草四錢

石膏五錢

知母五錢

桂二錢

柴胡二錢

黃芩半錢

人參半錢

半夏四錢

右爲瘧末同煎服。服後如外邪已罷，內邪未已，用大柴胡大承氣湯下之。

治處暑後冬至前後瘧疾，法並於久瘧法求之。

局方雙解飲子治瘧疾辟瘴氣神效。

肉苳菴

草苳菴

各二箇一箇用水和

厚朴

二十一兩用生薑汁浸炙一半生用

甘草

大者二兩一半炙一半生用

生薑

二塊如棗大一塊生用

右各咬咀，每服分一半，用水一椀煎至一大盞，去渣空

心溫服。

東垣云：伏暑暑氣發，病熱愈知其寒也。局方用雙解飲子，是已知此方治寒瘧也。

保治發瘧如前症，是夜發者，麻黃黃芩湯主之。

麻黃

一兩

甘草

二錢

桃仁

三十枚

黃芩

五錢

桂

二錢

右爲細末，依前服法。桃仁味苦甘辛，肝者血之海，血受

邪則肝氣燥。經所謂肝苦急。急食甘以緩之。故桃仁散
血緩肝。謂邪氣深透而入血。故夜發。乃陰經有邪。此湯
發散血中風寒之劑。

世桃仁承氣湯治夜瘧有實熱者。方見傷寒

治先熱後寒者。小柴胡湯先寒後熱者。小柴胡加桂枝湯

多熱但熱者。白虎加桂枝湯。多寒但寒者。柴胡桂薑湯。此

皆之熱也。然多少。定治法也。若多寒而但有寒者。其熱或

少。或熱而多有寒者。其熱或

多。或寒而多有熱者。其寒或

少。或熱而多有寒者。其熱或

多。或寒而多有熱者。其寒或

少。或熱而多有寒者。其熱或

多。或寒而多有熱者。其寒或

少。或熱而多有寒者。其熱或

多。或寒而多有熱者。其寒或

仲溫瘧者。其脉如平。身無寒。但熱。骨節疼煩。時便難。白虎
加桂枝湯主之。脉經云。朝發暮解。暮發朝解。

熱後寒

小柴胡加桂湯治瘧先寒後熱。方見傷寒

小柴胡湯治瘧先

知母六兩

甘草二兩

石膏一斤

粳米二合

桂

去皮三兩

右剉每服五分水一盞煎八分去渣溫服出汗愈

柴胡桂薑湯治瘧寒多微有熱或寒不熱方見傷寒
瘧多寒者名曰牡瘧蜀漆散主之

蜀漆

燒去腥

雲母

燒三日夜

龍骨

等分

右三味搗爲散末發前以漿水服半錢七如溫瘧加蜀漆一錢臨發時服一錢七

牡蠣湯治牡瘧

牡蠣

四兩

麻黃

去節三兩

甘草

二兩

蜀漆

三兩

右四味以水八升先煮蜀漆麻黃去上沫得六升內諸藥煮取二升溫服一升若吐則勿更服

柴胡去半夏加枳實湯治瘧病後渴者亦治勞瘧

柴胡八兩

人參

黃芩各三兩

括蔞根四兩

生薑二兩

大棗十二枚

甘草三兩

右七味以水一斗二升煮取六升去渣再煎取三升溫服一升一日兩三服

丹瘧

有風

有暑

有食

有痰

三日一發者受病一年 間日一發者受病半年 一日一發者受病一月 二日連發住一日者氣血俱受病 一日間日者補藥帶表藥後用截瘧丹截之在陰分者用藥徹起陽分方可用截方

常山

草果

檳榔

知母

烏梅

川山甲炒

甘草炙

用水酒各一大碗煎至半碗露一宿臨發前二時溫服之如吐則勿服之

大法補
中法散

大法暑風必當發汗夏月多在風涼處歛遂閉汗而不泄
因食者必從飲食將息 瘧而虛者須先用參朮一二帖
托住其氣不使下陷後用他藥治內傷挾外邪者同法
內必生痰必以汗解二陳湯加柴胡常山黃芩 瘧而甚
者發寒熱頭痛如破渴而飲水自汗可與

人參

黃芪

白朮

黃連

黃芩

梔子

川芎

蒼朮

半夏

天花粉

水煎服

一丈夫瘧脈弦細每日近午發此風寒也

白朮

柴胡

青皮

半夏

蒼朮

麻黃

木通

桂

甘草

何氏子年二十歲瘧間日作頭痛惡寒為甚

麻黃錢一

白木錢五

青皮錢三

木通錢七

蒼朮錢二

桂皮錢一

半夏錢五

炙甘草錢三

小娘患瘧汗但未到下體

白木錢二

麻黃

知母錢一

半夏錢一

人參

桂枝錢半

分二貼薑三片水二盞半煎至半盞露星月下一夜次

日早空心熱服

陳一之子二歲間日瘧

麻黃錢五

白木錢二

蒼朮錢半

陳皮錢一

半夏錢一

木通錢一

甘草錢半

何主首二十歲瘧間兩日作寒自足起發時口渴身痛頭

痛服已有汗

麻黃錢半

黃芪

白木錢半

青皮錢二

芍藥

蒼木錢二

木通錢一

炙甘草錢三

柴胡錢一

王舅瘡左弦甚右畧濇將退時有汗

人參兩一

半夏兩一

白朮

柴胡各六錢

蒼朮

青皮各五錢

木通兩一

甘草些

分五帖煎服三之一去渣入薑汁半杯露一夜次早溫

服之

王孺人舊患瘧疾因勞心力又發今骨節疼痛惡心食少
與此方

人參錢五

白朮兩半

蒼朮兩一

陳皮兩一

川芎

當歸

木通各七錢

甘草錢一

分六帖薑三片

馮官人發瘧脉弦有汗

人參錢五

黃芪

黃連

白朮

各三錢

芍藥兩

茯苓三錢

黃芩三錢

作五帖水煎服

盧兄瘧後辛苦再發，脉大洪而浮，此血傷也，宜補之。

人參錢半

白朮錢一

黃芩錢四

甘草錢四

白芍錢一

黃連三錢

生地黄

茯苓

歸尾各五分

作一帖熟飲，仍灸大椎穴五壯。

一婦人五十餘歲，形實喜作勞，性急味厚，喜火食，夏却患惡寒發熱，更作無休時，衣被雖厚常凜然，兩脉皆濇，予作雜合邪治之，遂以四物湯加陳皮，以人參、白朮為君，生甘草、黃柏為佐，多入薑汁，吞通神丸三十九，回金柳青各二十九，阿魏十九煎三帖，而得睡，第五帖而身和，第七帖通。

身微汗諸症皆去。

蜀方人參養胃湯

草蓀

茯苓

人參

去蘆各半兩

甘草

炙七錢

橘紅

厚朴

去皮

蒼朮

湯洗炒

半夏

湯洗各一兩

藿香葉

洗去土

右咬咀每服四錢水一盞半薑七片烏梅一箇煎至七

分去渣熱服肺病加無功或知者加熟地黃

右朴蒼藿香發散也半葉茯苓劫痰也人參用之惟虛

人最宜

丹絕瘧青蒿丸

青蒿

冬瓜皮

官桂

馬鞭草餘二

右藥焙乾爲末糊爲丸如胡椒大每一兩分四服於戌

時前一時服盡治瘧方百草霜黃丹等分細研每服

二錢七於發日虛心水調服不止連兩服愈。治瘡用蒜不拘多少研極爛以黃丹少許聚爲度丸如雞頭大候乾每服一丸新汲水下而東服至妙。

垣治瘡疾。

大蒜

調片 一分

右一片內入巴荳肉一粒輕紙裹煨熟去巴荳研入黃丹爲丸如雞頭大每服一丸先發寒用桃枝七寸東向者煎湯發日五更面北服如發熱用冷水送下未全好次發又可進一服除根。

右黃丹劫痰例輕劑也。

易簡七寶湯

常山

陳皮

青皮

枳殼

草菓

甘草

厚朴

等分

右咬咀每服半兩水酒各一盞煎六分當發日侵辰服
之此服有常山必須吐而愈或當日大作俗謂闔藥是
也虛怯人及脾胃寒者不宜服
右此劫痰例重劑也虛人慎之或補後用之

芎方尅効飲子

龍腦

麝香

定粉

荷葉

焙

葇荳末

甘草

炙各五兩

硃砂

一兩

信

錢半

金箔

二十五片爲末

右爲末煉蜜搜和每兩作二十九無名異爲衣每服一
二丸溫水磨連日發者未發前服之間日者不發夜服
之隔數日發者前一日夜服之

河辟邪丹治嵐瘴鬼瘧併日頻日

葇荳

雄黑荳

各四十九粒

信

半錢

黃丹一

硃砂二

右爲末同入乳鉢內滴水爲丸分作三十粒每服一粒用東南桃枝取七枚研汁并花水早晨日欲出不出時向日吞之。

右信砒劫痰爲至峻之劑虛人切忌之。

運氣瘧疾有二。

一曰火熱經云歲火太過炎暑流行金肺受邪民病瘧少氣又云火太過曰赫曦其病笑瘧狂妄又云火鬱之發民病溫瘧又云少陽司天火淫所勝民病發熱惡寒而瘧又云少陽之復發而爲瘧又云少陽司天之政民病寒熱瘧治以寒劑是也。

二曰寒濕經云陽明司天爲四之氣病瘧寒之候是也。

河斷瘧如聖散。

砒二

蜘蛛大者三箇

雄黑豈

四十粒

右爲末滴水爲丸如雞頭大如來日發於今晚夜北斗下先獻過次早以紙裹於耳內札一丸立愈如神一粒可救二人

素帝曰夫經言有餘者瀉之不足者補之今熱爲有餘寒爲不足夫瘧者之寒陽火不能溫也及其熱水水不能寒也此皆有餘不足之類當此之時良工不能止必須其自衰乃刺之其故何也願聞其說岐伯曰經言無刺熇熇之熱無刺渾渾之脉上註曰渾渾謂脉無端緒無刺漉漉之汗故爲其病逆未可治也夫瘧之始發也陽氣并於陰當是之時陽虛而陰盛外無氣故先寒慄也陰氣逆極則復出之陽陽與陰復并於外則陰虛而陽實故先熱而渴夫瘧氣者并於陽則陽勝并於陰則陰勝陰勝則寒陽勝則熱瘧者風寒

癰未發
宜堅束

針灸

之不常也。病極則復，至病之發也，如火之熱，如風雨不可當也。故經言曰：方其盛時必毀，因其衰也。事必大昌，此之謂也。夫癰之未發也，陰未并陽，陽未并陰，因而調之，真氣得安，邪氣乃亡，故工不能治其已發，爲其氣逆也。帝曰：善攻之，奈何？早晏何如？岐伯曰：癰之且發也，陰陽之且移也，必從四末始也。陽已傷，陰從之，故先其時，堅束其處，令邪氣不得入，陰氣不得出，審候見之，在孫絡盛，堅而血者，皆取之，此其往而未得并者也。凡治癰，先發如食頃，乃可治。過之則失時也。癰發身方熱，刺跗上動脈，開其空，出其血，立寒。癰方欲寒，刺手陽明、太陰、足陽明、太陰，謂出血當隨井俞而刺之。癰脉滿大急，刺背俞，用中針，傍五肱俞各一，適肥瘦，出其血也。王註云：背俞謂大杼、五腧。癰脉小實，急灸脛少陰，刺指井。指井至陰穴也。癰脉緩大虛，便宜

用藥不宜用鍼。諸瘡而脉不見刺十指間出血血去必已。先視身之赤如小莖者盡取之。刺瘡者必先問其病

之所先發者先刺之。

先頭痛及重者先刺頭上及兩額

兩眉間出血。

王註云頭上謂上星百會兩額謂懸顛兩眉間謂橫竹等穴

先項背痛

者先刺之。

先腰脊痛者先刺郄中出血。

先手臂痛者

先刺手少陰陽明十指間。

先足脛痠痛者先刺足陽明

十指間出血。

風瘧瘧發則汗出惡風刺三陽經背俞之

血者。

疝痠痛甚按之不可名曰疝髓病以鑱針針絕骨

出血立已。

身體小痛刺至陰諸陰之井無出血間日一

刺。

瘡不渴間日而作刺足太陽渴而間日作刺足少陽

靈樞經云瘡不渴間日而作刺足陽明渴日作刺手陽明

溫瘧汗不出爲五十九刺。

足太陽之瘡令人腰痛頭重寒從背起先寒後熱焮焮

暍暍然熱止汗出難已刺郄中出血。

金門穴黃帝中誥圖經云委中主之海藏

羌活加生地黃
柴胡加桂湯

足少陽之瘧令人身體解休寒不甚熱

不甚惡見人見人心惕惕然熱多汗出甚刺足少陽

俠路穴海

小柴胡湯

足陽明之瘧令人先寒洒淅洒淅寒甚久乃熱熱

去汗出喜見日月光火氣乃快然刺足陽明跗上

衝陽穴

足太陰之瘧令人不樂好太息不嗜食多寒熱汗出病至

則善嘔嘔已乃衰即取之

待病衰即取之并俞及公孫海小建中湯異攻散

足

少陰之瘧令人嘔吐甚多寒熱熱多寒少欲閉戶牖而處

其病難已

涼小柴胡加半夏湯陽明病見少陰中是助邪故難已

足厥陰之瘧令

人腰痠少腹滿小便不利如瘰癧狀非瘰也數便噉恐懼氣

不足腹中悒悒刺足厥陰

太衝穴海四物加柴胡苦練附子湯

疝瘕令人

心寒寒甚熱熱間善驚如有所見者刺手太陰陽明

列缺合谷

心瘡者令人煩心甚欲得清水反寒多不甚熱刺手少

陰門

肝瘡者令人色蒼蒼然太息其狀若死者刺足厥

陰見血_坤 脾瘧者令人寒腹中痛熱則腸中鳴鳴已汗

出刺足太陰_丘 腎瘧者令人灑灑然腰脊痛宛轉大便

難目眴眴然手足寒刺太陽少陰_{太鍾} 胃瘧者令人且

病善饑而不能食食而肢滿腹大刺足陽明太陰橫脈出

血_{膚宛解絡} 瘧寒熱甚寒熱厥取手陽明 瘧寒少熱

多取足少陽 瘧面赤目眴眴心痛取手陽明少陽 瘧

腰背痛不渴取足太陽_{俱刺瘧篇}

甲瘡瘧神庭及百會主之 瘧振寒熱盛狂言天樞主之

瘧盛熱列缺主之 瘧寒厥及熱厥煩心善噦心滿而

汗出刺少商出血立已 熱瘧口乾商陽主之 瘧寒甚

欲嘔沫陽谿主之 風瘧汗不出偏歷主之 瘧多寒少

熱大鍾主之 瘧欬逆心悶不得臥嘔甚熱多寒少欲閉

戶而處寒厥足熱太谿主之 瘧瘵癢驚股膝重肝轉筋

頭眩痛解谿主之。瘧日西發臨泣主之。瘧多汗腰痛不能俛仰目如脫項如拔崑崙主之。瘧不渴間日作崑崙主之。

久瘧

久瘧者瘵瘧也以其隔二三日一發纏綿不去

丹老瘵係風暑之邪入在陰分在臟宜用血藥引出陽分而散川芎撫芎紅花當歸蒼白朮白芷黃栢甘草露一宿早服古方多用峻劑恐非稟受怯弱與居養所移者所宜始悟常山砒丹烏梅劫劑或誤投之輕病變重重必危矣三日一作者邪入於三陰經也作於子午卯酉日者少陰經瘵也作於寅申巳亥日者厥陰經瘵也作於辰戌丑未日者太陰經瘵也瘵得於暑當以汗解或因取涼太過汗鬱成痰其初感也弱者即病胃氣强者伏而未發至於再

感復因內傷其病乃作宜其難瘥夫感暑與風皆外邪也故非汗多不解今之遵此疾者已經再三劫試胃氣重傷何由得愈欲治此症必先與參朮等補劑爲君加柴葛等發散藥漸而收汗得汗而虛又行補養下體屬陰最難得汗補藥力到汗出至足方是佳兆

丹治一婦病瘧三日一發食少經不行已三月脈無時冬寒議作虛寒治疑誤再診見其梳洗言動如常知果誤也經不行非無血爲痰所碍脈無非血氣虛乃積痰生熱結伏其脈而不見耳當作實熱治與三花丸旬日後食進脈出帶微弦謂胃氣既全雖不瘥當自愈而經行也令淡滋味果應

三花神佑丸
方見水腫

一婦身材小味厚痰瘧月餘間日發於申酉頭與身痛寒多喜極熱辣湯脈伏面慘晦作實熱治之以十連湯爲末

粥九黍米大服十粒津嚙日三次令淡飯半月大汗愈

久瘧欲吐不吐宜吐之用藜蘆散或雄黃散

瘧病能食而痰伏者小胃丹

方見內傷飲食

一人性急好酒色味厚適多憂怒患久瘧忽大熱下臭積大孔痛陷下此大虛脈弦大而浮以瓦磨如錢圓燒紅童便焮急取以紙裹於痛處恐外寒乘虛而入也以參歸陳皮煎服淡味半月而安

一婦人久痢因哭子變瘧一日五六作汗如雨不止脈微數疲甚無邪可治陰虛陽散死在旦夕且服四獸等熱劑遂用參朮各二兩白芍藥一兩黃芪半兩炙甘草二錢作大劑四五服而愈

一人因勞役發嗽得痰瘧又服發散藥變爲發熱舌短語言不正痰吼有聲脈洪實似滑先用獨參湯加竹瀝二貽

設一服後吐膠癢舌本正後用黃芪人參湯服半月而愈

藜蘆散 大藜蘆末五 溫莖水調下以吐爲度

雄黃散 雄黃 瓜蒂 赤小豈各一錢

右爲細末每服半錢溫水調下以吐爲度

鰲甲煎丸 治瘧母

鰲甲十二分炙 烏扇三分燒 黃芩 鼠婦各一分

大黃 桂枝 石膏去毛 厚朴

紫葳 阿膠各三分 乾姜 人參

桃仁各二分 柴胡 蟪踰各六分 芍藥

牡丹皮 麝虫各五分炒 蜂窠各四分炙 瞿麥二分

葶藶炒 半夏各一分 赤硝十二分

右二十三味爲末取銀竈下灰一斗清酒一斛五斗浸

灰候酒盡一半着鰲甲於中煮令泛爛如膠漆絞取汁

內諸藥煎爲丸如桐子大空心服七丸日三服
瘧母丸

青皮

桃仁

紅花

神麩

麥芽

蠶甲

三稜

蓬朮

海粉

香附

俱用

右爲末神麩糊爲丸如桐子大每服五七丸白湯下
小兒瘧疾痞塊用生地芍藥各一錢半陳皮川芎黃芩半
夏各一錢甘草二分姜水煎調蠶甲末服

十棗湯

芫花

大戟

甘遂

右爲末每服半錢水一盞棗十枚同煎半盞服

瘧脹

秋深久瘧胸中無物又無痰癖腹高而食少俗謂瘧氣入
腹宜蒼朮湯主之

蒼朮兩四

草烏頭錢一

杏仁三十箇

右爲粗末起作一服水三升煎至一半均作三服一日服盡

產後瘡

產後瘡疾多由汚血挾寒熱而作大法宜柴胡四物湯調之熱多者宜服草菓飲子

半夏

湯泡七次

赤茯苓

草菓

煨去皮

甘草

炙

陳皮

川芎

白芷

各一錢二分

紫蘇

良姜

青皮各六分

乾姜

四分

右咬咀分二貼水二盞姜五片棗二枚煎至八分當發日早連進三服無不効者

寒多者宜服生熟飲子

肉苳菹

草菓仁

厚朴

半夏

陳皮

甘草

大棗

桂

生姜

各二錢半

右咬咀分二分一半生一半以濕紙裹煨香熟和勻分作二貼水二盞煎八分空心一服食後一服二相并煎午前一服